

Broj: 08-JN-278-27

Sarajevo: 17.02.2026. godine

Na osnovu čl. 70. stav (3), čl. 72. stav (4) i čl. 69. stav (2) tačka d) Zakona o javnim nabavkama ("Službeni glasnik BiH", br. 39/14, 59/22 i 50/24) i Zapisnika o radu Komisije za javne nabavke, broj: 08-JN-278-26 od 17.02.2026. godine, d o n o s i:

ODLUKU

o poništenju postupka za nabavku usluge osiguranja motornih vozila

I

Prihvata se preporuka Komisije za javnu nabavku **usluge osiguranja motornih vozila** i poništava se predmetni postupak iz razloga neprihvatljivosti dostavljenih ponuda.

II

Zadužuje se sekretar Komisije za javne nabavke da pismeno obavjesti ponuđače o Odluci najkasnije u roku od 7 (sedam) dana od donošenja Odluke.

III

Zadužuje se stručni saradnik za informisanje da predmetnu Odluku objavi na web stranici KJKP „PARK“-a d.o.o. Sarajevo.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 08-JN-278-2 od 22.09.2025. godine.

Javna nabavka je provedena putem otvorenog postupka.

Prvobitno procijenjena vrijednost javne nabavke je iznosila 28.000,00 KM bez PDV-a za period od 2 (dvije) godine, te je naknadno donesena Odluka o izmjeni odluke o pokretanju postupka javne nabavke, broj: 08-JN-278-8 od 17.10.2025. godine, kojom je procijenjena vrijednost nabavke povećana na 38.000,00 KM bez PDV-a za period od 2 (dvije) godine.

Komisija za javnu nabavku imenovana je Rješenjem, broj: 08-JN-278-4 od 29.09.2025. godine. Dana 29.09.2025. godine Komisija je donijela Poslovnik o radu broj: 08-JN-278-5.

Obavještenje o javnoj nabavci objavljeno je na Portalu javnih nabavki dana 01.10.2025. godine, broj Obavještenja: **410-1-2-174-3-250/25**, kao i **Ispravka za obavještenje, br. 410-1-2-174-8-259/25 od 17.10.2025. godine.**

Komisija za predmetnu nabavku je, dana 29.10.2025. godine, sačinila Zapisnik o javnom otvaranju ponuda, broj: 08-JN-278-12 i isti dostavila učesnicima u postupku.

Nakon izvršene ocjene i vrednovanja ponuda, Komisija je sačinila Zapisnik o radu Komisije, broj: 08-JN-278-17 od 08.12.2025. godine i isti dostavila učesnicima u postupku.

Dana 08.12.2025. godine donesena je Odluka o izboru najpovoljnijeg ponuđača, broj: 08-JN-278-20 (u daljem tekstu: Odluka o izboru), kojom je kao najpovoljniji ponuđač izabrano pravno lice EUROHERC d.d. Sarajevo.

Zahtjev za uvid u ponude od strane pravnog lica SARAJEVO-OSIGURANJE d.d. Sarajevo zaprimljen je dana 15.12.2025. godine, te je o izvršenom uvidu sačinjen Zapisnik, broj: 08-JN-278-22 od 16.12.2025. godine.

Žalba na Odluku o izboru najpovoljnijeg ponuđača je zaprimljena na protokol Ugovornog organa dana 22.12.2025. godine, a koju je isti zajedno sa svojim Izjašnjenjem, broj: 08-JN-278-24 od 24.12.2025. godine, u zakonskom roku od 5 (pet) dana, proslijedio Uredu za razmatranje žalbi – Filijala/Podružnica Mostar.

Dana 11.02.2026. godine Ugovorni organ je zaprimio Rješenje Uredu za razmatranje žalbi – Filijala/Podružnica Mostar kojom se Odluka o izboru poništava i predmet se vraća na ponovno odlučivanje i utvrđivanje činjeničnog stanja, odnosno da se utvrdi da li su EUROHERC OSIGURANJE d.d. Sarajevo i SARAJEVO-OSIGURANJE d.d. Sarajevo cijenu ponuda ponudili u skladu sa vlastitim tarifama koje su odobrene od strane nadležne Agencije za nadzor osiguranja Federacije Bosne i Hercegovine.

U ponovljenom postupku odlučivanja, dana 12.02.2026. godine, od ponuđača EUROHERC OSIGURANJE d.d. Sarajevo i SARAJEVO-OSIGURANJE d.d. Sarajevo zatraženo je da dostave vlastite važeće Tarife odobrene od strane Agencije za nadzor osiguranja Federacije Bosne i Hercegovine, što su isti i učinili.

Uvidom u dostavljene Tarife kao i Obrazac za cijenu ponuda (Aneks 2), Komisija je utvrdila da je prvobitno pogrešno izvršila ocjenu ponuda oba ponuđača, o čemu je sačinila odgovarajuće zapisnike.

Nadalje Komisija je konstatovala sljedeće:

- da je ponuda ponuđača SARAJEVO-OSIGURANJE d.d. Sarajevo neprihvatljiva iz razloga pogrešno obračunate premije osiguranja AO za vozilo pod rednim br. 9 IVECO 35S12. Predmetno vozilo Žalitelj je cijenio kao radno vozilo (premijska grupa 10.02.) međutim radi se o teretnom vozilu „kamion dizalica platforma“ kako je to predviđeno u Obrascu za cijenu ponude Aneks 2, a na osnovu podataka iz Potvrde o registraciji vozila. Ovo vozilo je trebalo obračunati prema tarifnoj grupi 02. – teretna vozila, i pripadajućoj podgrupi iste. Naknadnim uvidom u trenutnu važeću policu osiguranja za ovo vozilo, Komisija je utvrdila da je isto osigurano kao teretno vozilo.
- da je ponuda ponuđača EUROHERC OSIGURANJE d.d. Sarajevo neprihvatljiva iz razloga pogrešno obračunate premije osiguranja AO za vozilo pod rednim brojem 42. IVECO DAILY 35-14, vozilo pod rednim brojem 43. IVECO DAILY 35-14 i vozilo pod rednim brojem 47. IVECO DAILY 35-14. Predmetna vozila je Izabrani ponuđač cijenio kao radno vozilo (premijska grupa 10.11) međutim radi se o teretnom vozilu „kamion dizalica platforma“ kako je to predviđeno u Obrascu za cijenu ponude Aneks 2, a na osnovu podataka iz Potvrde o registraciji vozila. Ova vozila je trebalo obračunati prema tarifnoj grupi 02. – teretna vozila, i pripadajućoj podgrupi iste. Naknadnim uvidom u trenutne važeće police osiguranja za ova vozila, Komisija je utvrdila da su ista osigurana kao teretna vozila.
- da je postavljeno pitanje na Portalu javnih nabavki kojim je zainteresovani ponuđač zahtijevao povećanje procijenjene vrijednosti nabavke, ali da nije bilo drugih postavljenih pitanja kroz koja bi ponuđači izrazili eventualne nejasnoće po pitanju bilo kojeg vozila i njihove klasifikacije u TD.

Na osnovu gore navedenog, Komisija jednoglasno daje preporuku direktoru da za nabavku **usluge osiguranja motornih vozila** donese slijedeću odluku:

- Odluku o poništenju postupka javne nabavke **usluge osiguranja motornih vozila**, iz razloga što su ispunjeni uslovi iz čl. 69. stav (2) tačka d) Zakona o javnim nabavkama BiH (niti jedna dostavljena ponuda nije prihvatljiva).

Iz navedenih razloga primjenom čl. 69. stav (2) tačka d) Zakona o javnim nabavkama Bosne i Hercegovine odlučeno je kao u dispozitivu ove Odluke.

PRAVNA POUKA:

Protiv ove Odluke može se izjaviti žalba u roku od 10 (deset) dana od dana prijema iste. Žalba se podnosi u pisanoj formi Uredu za razmatranje žalbi, a putem u govornog/prvostepenog organa.

DIREKTOR
KJKP "Park" d.o.o. Sarajevo

[Redacted signature box]

Akt pripremila sekretar komisije:

[Redacted signature box]

Akt prekontrolisao, predsjednik komisije:

[Redacted signature box]

Dostaviti:

1. Ponuđačima:
 - tenderi.drustvo@sarajevoosiguranje.ba
 - tenderi@euroherc.ba
2. SKP
3. Stručni saradnik za informisanje
4. a/a

Tel. Centrala: +387 33 560 560;
Direktor: +387 33 560 570, 201-977;
Fax: +387 33 560 561; 201-977;
E-mail: info@park.ba;
www.park.ba

Općinski sud u Sarajevu
Broj sudskog registra UF/I-2558/05
Porezni broj: 01071306;
Matični broj: 20379383;
Matični registracioni broj: 1-566

NLB Banka 1322602019095668;
UniCredit bank d.d.
3386902212020028;
Turkish Ziraat bank Bosnia d.d.
Sarajevo 1860001022085047